

NIA VOĈO
Madrida Esperanto-Liceo
San Alejandro 6-4^oB-Ext. 28005 Madrid
(Nur poŝta adreso)

Ni kunvenas lunde je la 18,30 en Rodríguez San Pedro 13-3^o-7

Redaktas kaj eraras: Lupe Sanz

JANUARO 2001

ĜENERALA KUNVENO DE MEL

La Prezidantino de Madrida Esperanto Liceo kunvokas vin ĉeesti tiun kunvenon, kiu okazos lastan lundon de januaro (29-an) je la 18.30 en unua kunvoko kaj je la 19.00 en dua, en Rodríguez San Pedro 13-3^o-7, sub la sekva tagordo:

- 1.- Informo pri membraro.
- 2.- Legado kaj eventuala aprobo de la antaŭa protokolo (Vidu "Nia Voĉo" 2000-02)
- 3.- Detala raporto pri MEL-agado dum la jaro 1999 (Vidu "Nia Voĉo" 2000-12)
- 4.- Prezento de programo realigebla por la jaro 2001 ("Nia Voĉo" 2001-01)
- 5.- Aktuala konto-etato de MEL (Kune kun "Nia Voco" 2001-01)
- 6.- Buĝeto por 2001 (Kune kun "Nia Voĉo" 2001-01)
- 7.- Sugestoj kaj demandoj.
- 8.- Renovigo de la estraro (periodo 2001-2004)

Ni anonzas ke oni akceptas kandidatojn por la statuta renoviĝo de la Estraro ĝis la 20an de januaro.

Cele al bonorda kaj pozitiva funkciado de nia organizacio, la Estraro restos danka, se ĉiuj gemembroj akurate ĉeestos tiun Ĝeneralan Asembleon.

La ZAMENHOFA BANKEDO okazos la 27-an de januaro, sabate, je la
14,30 en la kutima loko: Hotel Puerta de Toledo.
Limdato por rezervi la 22-an de januaro: 91 446 80 79
Prezo: 3.500 pesetojn

EKSTERLANDE

Pollando. La 24an de aŭgusto 2000 en la pola oficiala leĝ-ĵurnalo aperis dekreto de la Ministro pri Nacia Edukado laŭ kiu oficialiĝas fin-diplomoj de la Internacia Studdomo pri Turismo kaj Kulturo de Monda Turismo en Bydgoszcz.

ESPERANTO EN AMASKOMUNIKILOJ

Sendube la katalunaj esperantistoj forte laboras kaj bone propagandas siajn esperantajn programerojn; jen pruvo:

En la eldono de "El Mundo" por Katalunio (2000-11-24) aperis artikolo pri la baldaŭa prezentado de "Terra Baixa", de Angel Guimerà. Ĝi mencias ke la verkaro de Guimerà estas tradukita al multaj lingvoj, inter ili, Esperanto. La sama ĵurnalo, en la sekcio "Catalunya" (2000-10-03) aperigis fotografiaĵon kaj duonpaĝan artikolon pri Alfons Tur Thomas, profesoro de "Instituto de Esperanto de Barcelono".

La senpaga ĵurnalo "El Mercat de l'Hospitalet" (2000-10-25/31) intervjuis S-ron Martí Guerrero, profesoro de esperanto.

"Aquí-Semanari de L'Hospitalet et Baix Llobregat" (2000-11-3/9) anoncas la senpagan kurson de esperanto en la Kultura Centro Sant Josep. Ankaŭ la kurso organizita de la Grupo de Esperanto de Horta (Barcelona-kvartalo) estis anoncita kiel vintra aktivaĵo en la programo de la Kultura Centro "Matas i Ramnus".

La revuo "Muy interesante" (decembro 2000) publikigas raporton pri lingvoj. Aperas aludo al esperanto, la komento estas reagiga: "aunque se trataba de una buena idea, se puede decir que el esperanto y otras lenguas mundiales han fracasado. Primero porque no ha habido un país que haya asumido su difusión y luego porque acaban por dividirse en dialectos".

EŬROPA UNUIĜO

Por ricevi "Eŭropa Bulteno", sendependa ret-bulteno por informado kaj debato pri Eŭropa Unuiĝo, petu al la ret-adreso u.broccatelli@tiscalinet.it; al la sama adreso sendu kontribuojn kaj reagojn.

2001 Eŭropa Jaro de Lingvoj. Kvankam formale celas nur la lingvojn "rekonitajn de la membroŝtatoj", sed ja eblos ke e-organizaĵoj partoprenu per projektoj kongruaj kun la celoj de la Jaro. Pri esperantista kontribuo al la Jaro informas anna.ritamaki@kolumbus.fi

HISPANIO

60a Hispana Esperanto-Kongreso San Javier (Murcia), 22a gxis 30a de junio 2001

Kongresejo: Centro Cívico de San Javier Parque Almansa

Kongresa Sekretario: Vicente Sanchez Lumbreras

Saturno 15

ES-30730 San Javier (Murcia)

Tel: 968192598; 968191243; 968183338; 968190588

Retadreso: vsal0001@almez.pntic.mec.es

ESPERANTO EN INTERRETO

Jen kelkaj interesaj retpaĝoj:

La libro 'Tri viroj en boato' de Jerome K. Jerome, unu el la klasikuloj de la humura literaturo, estas tradukita al esperanto ĉe <http://esperanto.nu/eLibrejo/> aŭ <http://www.esperanto.se/eLibrejo/>

Nia samideano Ramón Maynou havis du bonajn ideojn: unua, li nomis sian hamstron Esperanto. Vi povas konstati kiel ĝi lernas nian lingvon <http://www.peluzzo.com/edesp/esperanto.htm>; dua, li elektis por sia e-poŝto jenan nomon europapress@???, tial la mesaĝoj kiujn li sendas pri esperanto aspektas elvenajoj el serioza nov-agentejo.

Se en enciklopedio Miconet <http://www3.enciclonet.com> oni tajpas la vortojn "esperanto" kaj "Zamenhof" aperas dupaĝa artikolo tre favora kaj preciza pri nia lingvo kaj unupaĝa biografio de la kreinto de Esperanto, ankaŭ plene favora. Kiel aldona kuriozaĵo, mi mencias ke ankaŭ aperas mallongaj priskriboj de la asteroidoj "Zamenhof" kaj "Esperanto", kun ligilo al la vorto "esperanto".

En aparta folio ni inkludas la kontojn de 2000 kaj la programon kaj buĝeton de 2001 por MEL

KAJ NUN JES,
FELIĈAN JARMILON!

.....

ESPERANTO LICEO DE MADRID

San Alejandro 6-4^B. Ext

28005 Madrid

Asociación de Utilidad Pública Municipal